

¡BOMBA!

Este dos mil veinticuatro terminamos vapuleados, y así, sin tanto teatro algo menos endeudados



k'intsil

Lunes 23 de diciembre de 2024

CAMPECHE · YUCATÁN · QUINTANA ROO · AÑO 10 · NÚMERO 2389 · www.lajornadamaya.mx

U k'iinilo'ob ke'ele' táan u jats'ik Gaza: óoli' 2 miyoones palestinoilo'ob luk'sa'abo'ob tu lu'umil u'uyik



Ts'íib yéetel oochel Ap / p 31

U k'iinilo'ob ke'elile' táan u jach u'uyal tu Franjail Gaza, ts'o'oke' u ya'abil ti' le óoli' 2 miyoones palestinoilo'ob, tsela'ab tu kaajalo'ob yóok'olal ba'ateltáambal táan desde walkil 14 winalo'ob yéetel Israel, táan u yilko'ob bix u kaláantikubáajo'ob ti' le ke'elilo', iik' yéetel cháak.

Ma' ya'ab teep'elo'ob yani' mix xan u nook'il ke'elili'. Jump'iit si' yaan, yéetel u tiendasil campañae' xmajan líik'sa'an ti'al u yantal máake' jach ts'o'ok u xu'uplajal tu jo'olaj óoxpéel winal chéen leti' ku k'a'abéetkuns'a'al, je'el bix a'alab tumen máaxo'ob ku yáantajo'ob te'elo'.

Shadia Aiyada, máax yanchaj u luk'ul tu noj kaajalil Rafah ti'al u k'uchul tal tu jáal ja'il Musawi, ts'o'oke' chéen jump'éel chan teep'el yaan ti', beyxan jump'éel u boteeyail chokoj ja' ti'al ma' u tiita'al u waxaktúul u paalil tumen le ke'elilo'. "Ku ja'ak'al k-óol ken k'a'aytak

yaan u taal cháak yéetel iik' tumen le tu'ux yano'ono' ku líik'sa'al tumen le iik'o'. Saajko'on ka lúuk'sa'ak ktienda ka'alikil oka'ano'oni", tu ya'alaj.

Yaan áak'abo'ob ke'ele' ku yéemel óoli' tak cero grados, le beetik Aiyadae' sajak u k'oja'antal u paalal yóok'olal le seen siiso'.